

鄆陵文獻志

鄆陵文獻志卷二十六

鄆陵蘇源生菊邨纂

人物志三

孝友

晉

庾袞

晉書孝友傳庾袞字叔襄明穆皇后伯父也少履勤儉篤學好問事親以孝稱咸甯中大疫二兄俱亡次兄毗復殆癘氣方熾父母諸弟皆出次於外袞獨留不去諸父兄強之乃曰袞性不畏病遂親自扶持晝

文獻志

卷二十六

一

夜不眠其閒復撫柩哀臨不輟如此十有餘旬疫勢既歇家人乃反毗病得差袞亦無恙父老咸曰異哉此子守人所不能守行人所不能行歲寒然後知松栢之後凋始疑疫癘之不相染也初袞諸父並貴盛惟父獨守貧約袞躬親稼穡以給供養而執事勤恪與弟子樹籬跪以授條或曰今在隱屏先生何恭之過袞曰幽顯易操非君子之志也父亡作筭賣以養母母見其勤曰我無所食對曰母食不甘袞將何居母感而安之母終服喪居於墓側歲大饑藜羹不糝門人欲進其飯者而袞每日已食莫敢爲設及麥熟

穫者已畢而採摭尚多哀乃引其羣子以退日待其閒及其摭也不曲行不旁撿跪而把之則亦大獲又與邑人入山拾橡分夷嶮序長幼推易居難理無違者或有斬其墓栢莫知其誰乃召鄰人集於墓而自責焉因叩頭泣涕謝祖禰曰德之不修不能庇先人之樹哀之罪也父老咸亦爲之垂泣自後人莫之犯撫諸孤以慈奉諸寡以仁事加於厚而教之義方使長者體其行幼者忘其孤孤甥郭秀比諸子姪衣食而每先之孤兄女曰芳將嫁美服旣具哀乃刈荆荇爲箕箒召諸子集之於堂男女以班命芳曰芳乎汝

少孤汝逸汝豫不汝疵瑕今汝適人將事舅姑灑掃庭內婦之道也故賜汝此匪器之爲美欲温恭朝夕雖休勿休也而以舊宅與其長兄子賡翁及翁卒哀哀其早孤痛其成人而未娶乃撫柩長號哀感行路聞者莫不垂涕初哀父戒哀以酒每醉輒自責曰余廢先父之誠其何以訓人乃於父墓前自杖三十鄰人褚德逸者善事其親老而不倦哀每拜之嘗與諸兄過邑人陳準兄弟諸兄友之皆拜其母哀獨不拜準弟徽曰子不拜吾親何哀曰未知所以拜也夫拜人之親者將自同於人之子也其義至重哀敢輕之

乎遂不拜準徽歎曰古有亮直之士君近之矣君若當朝則社稷之臣歟君若握兵臨大節孰能奪之方今徵聘君實宜之於是鄉黨薦之州郡交命察孝廉舉秀才清白異行皆不降志世遂號之爲異行元康末潁川太守召爲功曹袞服造役之衣杖鍤荷斧不俟駕而行曰請受下夫之役太守飾車而迎袞逡巡辭退請徒行人郡將命者遂逼扶升車納於功曹舍旣而袞有取已車而寢處焉形雖恭而神有不可動之色太守知其不屈乃嘆曰非常士也吾何以降之厚爲之禮而遣焉齊王冏之唱義也張宏等肆掠於

陽翟袞乃率其同族及庶姓保於禹山是時百姓安甯未知戰守之事袞曰孔子云不教而戰是謂棄之乃集諸羣士而謀曰二三君子相與處於險將以安保親尊全妻孥也古人有言千人聚而不以一人爲主不散則亂矣將若之何衆曰善今日之主非君而誰袞默然有閒乃言曰古人急病讓夷不敢逃難然人之立主貴從其命也乃誓之曰無恃儉無怙亂無暴鄰無抽屋無樵採人所植無謀非德無犯非義戮力一心同恤危難衆咸從之於是峻險阨杜蹊徑修壁塢樹藩障考功庸計丈尺均勞逸通有無繕完器

備量力任能物應其宜使邑推其長里推其賢而身率之分數既明號令不二上下有禮少長有儀將順其美匡救其惡及賊至袞乃勒部曲整行伍皆持滿而勿發賊挑戰晏然不動且辭焉賊服其慎而畏其整是以皆退如是者三時人語曰所謂臨事而懼好謀而成者其庾異行乎及冏歸於京師踰年不朝袞曰晉室卑矣寇難方興乃攜其妻子適林慮山事其新鄉如其故鄉言忠信行篤敬比及期年而林慮之人歸之咸曰庾賢及石勒攻林慮父老謀曰此有大頭山九州之絕險也上有古人遺跡可共保之惠帝

遷於長安袞乃相與登於大頭山而田於其下年穀未熟食木實餌石藥同保安之有終焉之志及將收穫命子恂與之下山中塗目眩瞽墜崖而卒

陳藏器本草引

王隱晉書云庾袞食木食餌石藥得長年蒙按袞旋墜崖而卒未嘗得長年也 同保赴哭曰

天乎獨不可舍我賢乎時人傷之曰庾賢絕塵避地超然遠跡固窮安陋木食山棲不與世同榮不與人爭利不免遭命悲夫袞學通詩書非法不言非道不行尊事耆老惠訓蒙幼臨人之喪必盡哀會人之葬必躬築勞則先之逸則後之言必行之行必安之是以宗族鄉黨莫不崇仰門人感慕爲之樹碑焉有四

子恟蔑澤摺在澤生故名澤因摺生故曰摺蔑後南
渡江中興初爲侍中蔑生願安成太守

齊

庾道愍

南史孝義傳庾道愍潁川隰陵人晉司空冰之元孫
也有孝行頗能屬文少出孤悴時人莫知其所生母
流漂交州道愍尚在襁褓及長知之求爲廣州綏甯
府佐至南而去交州尙遠乃自負擔冒險僅得自達
及至交州尋求母雖經年日夜悲泣嘗入邨日暮雨
驟乃寄止一家有一嫗負薪外還而道愍心動因訪

文獻志

卷二十六

五

之乃其母也於是行伏號泣遠近赴之莫不揮淚道

愍尤精相板

蒙按梁元帝金樓子言庾敏能相手板蓋道愍之誤也

宋明帝時

山陽王休祐屢以言語忤顏見道愍託以已板爲他
物令道愍占之道愍曰此乃甚貴然使人多愆忤休
祐以褚彥回詳密求換其板他日彥回侍明帝自稱
下官帝多忌甚不悅休祐具以狀言帝乃意解道愍
仕齊位射聲校尉族孫沙彌亦以孝行著

庾子曜

新纂庾子曜宏遠之子也宏遠仕齊爲江州長史與
刺史陳顯達舉兵敗同斬於朱雀航子曜年十四抱

持父乞代命遂併殺之

本南史列傳

梁

庾沙彌

南史孝義傳庾沙彌晉司空冰之六世孫也父佩玉仕宋位長沙內史昇明中坐沈攸之事誅時沙彌始生及年五歲所生母爲製采衣輒不肯服母問其故流涕對曰家門禍酷用是何爲及長終身布衣蔬食爲中軍田曹行參軍嫡母劉氏寢疾沙彌晨昏侍側衣不解帶或應針灸輒以身先試及母亡水漿不入口累日初進大麥薄飲經十旬方爲薄粥終喪不食

文獻志

卷二十六

六

鹽酢冬日不衣綿纊夏日不解衰絰不出廬戶晝夜號慟鄰人不忍聞所坐薦淚霑爲爛墓在新林忽生旅松百許株枝葉鬱茂有異常松劉好嗽甘蔗沙彌遂不食焉宗人都官尚書泳表言其狀應純孝之舉梁武帝召見嘉之以補歛令還除輕車邵陵王參軍事隨府會稽復丁所生母憂喪還都濟浙江中流遇風舫將覆沒沙彌抱柩號哭俄而風靜咸以爲孝感所致後卒於長城令子持

唐

任客奴

新唐書孝友傳鄢陵任客奴割股肉以愈父母病與
京兆張阿九等皆旌表門閭

五代

馬希瞻

十國春秋馬希瞻武穆王庶子也天成三年監袁銓
軍敗荆南軍於劉郎洑有功未幾授靜江軍節度使
會恭孝王與嗣王希廣爭國二王皆希瞻兄也遣使
切諫繼以痛哭二王不從希瞻知馬族必覆不勝其
憂疽發於背卒

元

文獻志

卷二十六

七

夏全

元史孝友傳鄢陵夏全累世同居天子嘗表其門閭

明

夏榮

經志夏榮字茂卿父年九十二卒未幾母沒榮廬墓
側終喪不去妻子或治墓未嘗與相見一日野火至
廬忽暴風吹滅人以爲孝感洪武十四年以孝廉薦
知吳縣孫昂曾孫瑋

解禮

經志解禮字敬宗父母俱瞽起居飲食皆禮躬奉父

沒號慟幾絕母疾禱於天願以身代迨沒哀咽勺水
不入口既葬廬墓側負土築墳植栢數千株欲井灌
漑偶出廬若有附耳者云此有井及掘地果得一井
灌栢俱成景泰四年知縣康健奏表其門蒙按明史
孝義傳鄢
陵解禮於天順間被旌
與此不同未詳孰是

張縉

經志張縉字士紳幼失怙恃依祖母劉氏以成季父
大司徒睿在朝縉侍劉膝下孝養勤篤睿倚重之劉
年九十二卒縉倚廬三年躬負土於墓手植檜栢有
羣兔馴行蛇蝟守護之異天順六年有司奏表其門

文獻志

卷二十六

八

張忠

新纂張忠以孝友稱邑令焦珰獎之

本翟瑞撰張
守仁墓表

夏瑭

經志夏瑭字天美同知昂子少有大志補弟子員卽
以聖賢事業爲己任嘗與諸友會講道遇醉者遺錢
同行者拾以買果瑭不取以義責之食者愧謝性極
孝友父疾藥用斑毛求數日弗獲憂形於色忽一燕
銜置几上藥成而疾愈人以爲孝感居父喪哀毀骨
立不用浮圖終三年一遵古禮事異母兄曲盡友恭
宏治乙卯舉於鄉明年署齊河訓導束修一介不受

諸生中有貧者推俸賙之及門登科者數人卒於官
諸生殊慟既各設主私祀復祀名宦

陳銓

經志陳銓字秉衡少謹厚不妄言動補邑弟子員有
聲成化間大疫銓侍父母疾衣不解帶者三月人比
之庾異行尤敬事諸父友愛昆弟疏族咸睦宏治乙
丑當貢於禮部會子溥舉進士銓曰吾尚伊唔牖下
耶乃卜築西郊結社講道不談時政不履公門直躬
化俗有太邱遺風

趙譚

文獻志

卷二十六

九

新纂趙譚廬墓以孝行著

本陳溥撰趙
氏世系磚

鄭理

施志鄭理字得中一門孝友五世同居曾祖士能祖
方父寬壽皆八十餘理年九十步履康強曾元林立
嘉靖戊子詔賜肉帛大司寇劉訥爲文紀之仍題其
居曰世有家範曾孫友諒

劉訥

新纂劉訥字思善大司寇璟季子也穎悟過人好觀
經史尤究心醫卜諸書正德七年流賊寇鄆入父舍
迫之以兵訥對賊張目讓曰汝與殺我父何如殺我

賊駭而去十五年武宗南狩仲兄訥忤閹宦張忠誣繫詔獄禍且叵測訥籌畫拯救晝則遶庭而走夜擁衾而坐憂憤成疾迨聞無虞始安嘉靖元年十一月父寢疾訥侍湯藥無情容衣不解帶食不下咽者月餘父卒哀毀骨立五年母王病幾不救訥號泣籲天願以身代旋卽獲瘳人以爲孝感七年長兄詵疾劇訥禱神檢藥百方求療旣而不起一慟幾踣十年十月初中風不語召羣兒書字示之曰養而祖母順而世父孝而母氏友而同氣不及他事旋卒訥稟性剛直人有拂意者雖在戚友亦面斥不恤然亦頓釋初

文獻志

卷二十六

十

不留於懷也熟於素問本草等書凡遇名醫輒與論難合藥濟衆求者無不與服之輒愈默契數學尤精於皇極經世太乙六壬占問休咎屢有奇驗嘗擇醫卜書要手錄成編簡約精明可刻傳世子五人淩最

知名

本陳棐文岡集參經志

劉述

新纂劉述字紹夫大司寇璟孫善楷書尤工篆隸得秦漢以來諸名家體遠近求書者造請不絕述亦樂爲之應嘗校刻李西涯篆體偏旁點畫辨之無少爽誤由是字學益精善鼓琴每按譜撫弄一曲清越灑

然可聽人益敬慕之侍父疾湯藥必親晝不離席夜不解帶父疾尚延二期及卒愼終不苟哀毀骨立僉謂之孝與同邑諸耆彥爲會率履正俗一宗眞率之矩以祖蔭除通政司經歷有能聲南都御史何公塘終於家述奉命往營葬事歸里省覲遇疾卒年四十五述孝友性成事母梁能養厥志孤後二十年怡愉無閒祖塋東北百步許有別業創亭開池多植松竹蒔蘭菊恒奉母於此承歡終日與弟俱篤友愛病時拳拳以母養未終爲恨與人言輒淚下將屬續猶連呼其母則其平日可知矣

本陳斐文岡集參經志

文獻志

卷二十六

十一

田大印

經志田大印事母極孝母胥氏守節撫印一日病篤夜思肉羹印焚香告天剗左股肉烹以進母獲愈後數年母死印結廬墓側號泣抔土蔬食三年足跡不至其家嘉靖二十九年知縣張守蒙上其事旌之數與鄉飲以壽終

劉邈

新纂劉邈號大伾山人庠生承事郎訥子工舉業嘉靖壬子母黃孺人卒邈哀毀骨立明年正月葬邈與弟連結廬墓側朝夕哭奠視膳一如生時是歲九月

卒年三十一著詩賦一卷文稿三卷傳知錄二卷

劉本

訃撰
墓表

梁策

新纂梁策

蒙按何喬遠名山
藏作梁應策誤

字對之號及泉性至孝

七歲母病將不起旦夕焚香泣中庭請以身代持香
謁城隍神伏地涕泣幾絕一黃冠授藥一莖僅寸許
曰煎湯服之服卽旋己亦不知爲何藥人謂孝感所
致就外傳手孝經不釋嘗曰政本在此居官者當置
一卷於座右何國家設科不用此也慕黃香之爲人
習溫被扇枕稍長法曾子奉親百凡先意承順常若

文獻志

卷二十六

十一

不足年十七入邑庠二十四登賢書孝聲藉甚行部
使者往往移檄書物色抗辭逃遁年三十四中嘉靖
乙丑進士試政工部送遼左軍餉往歲餉無如額者
此次獨如額遼軍歡聲動地主帥感筵再拜曰近世
所未有也還京授營膳司主事時肅宗大興土木諸
司惟膳部最劇策任事精勤廉約如庀私宇綜覈析
秋毫中官監督將作者不得復染指咸側目策請告
歸里越三年留妻侍養父母隻身還朝請主爵者念
策與中官往隙恐見齟齬改戶部浙江司主事督餉
維揚裁革一切冗費揚人感嘆不容口晉員外郎郎

中大工成當優敘以中官中之升四川成都知府嘆曰吾不能叱馭如王陽矣抵家蒲伏父前號泣以請父大怒曰盡力王事非孝乎爾好孝經不憶始於事親終於事君耶猶伏地不起父舉杖欲擊之方起而戒途抵成都適大將軍伐九絲徵餉旁午境內復大疫策籌畫經理餉無缺疫亦良已逾年大計最蜀中計畢卽請終養歸時父母年皆七十躬調甘旨未嘗任侍兒一茶一湯必跪進徹則必請父老而好遊日遊於所知之家寒暑不廢每至漏下數十刻秉燭坐待閭人報至趨門迎掖入寢室候寢定而退質明盥

沐至寢門問侍婢安否安則喜稍不安節憂惶廢食母沒哀毀如禮旣葬日廬墓側暮歸侍父父病痺不能離衽席調飲食跪榻下手舉匕箸以進牖廁衣躬視澣濯如此者年餘時季子天妻亡皆不問父病殤旣合葬不飲酒不如葦廬墓側日以筐承土首戴加墓有慈烏數百集廬下筐舉卽飛而前導馴擾依人服闋不能去墓所縉紳先生曰孝雖無窮如禮制何再拜泣而徹廬撫按薦策孝行卽家起補登州知府時倭夷蹂朝鮮登州戒嚴南兵三千戍守白督府曰是卒羈旅也瀕海多健兒與衣廩而日練之皆精兵

矣彼利得衣廩保室家豈不勝召募督府稱善數月
得兵數千值大水歲稔請徙南兵就食有收處而以
餉遼米數萬斛儲海上散饑人使者俞允微是謀則
餉米浥爛餒人填溝壑無算也郡有點豪羅織人罪
已成獄策一訊得情坐誣者法人不敢犯又有胥爲
妖所憑語怪惑人至轟鄰境策檄城隍神治之胥夢
妖曰梁孝子驅我我去矣翊日無恙居無何升陝西
按察司副使兼右參議分守關內乃再疏乞休歸杜
門訓子依依親墓間一日市人見其園中白鶴飛出
城東門移晷策卒年六十四策歷官中外十餘年俸

外毫無所取交際應酬一切足取於家急於周人族
黨有貧而老病者無歸者日與之秩膳有差或可自
食其力隨其材器資給之俾各於四民中占一業或
旁及陰陽名法者流惟所能爲不悛援手遠方宦學
尤所加意送往迎來無虛日萬曆丁亥戊子歲大稔
策輸粟助賑又爲粥予饑者爲赭衣予寒者爲義冢
予貧民安厝用比於掩骼埋胔焉邑中徭賦以條鞭
爲便而不便巨室策極力贊成之文廟圯助費更新
之里塾子弟有弗克執贄者爲置師成就之人有片
長嘉樂稱羨其拂意者未嘗形辭色孝廉仁厚根諸

天性非由勉強鄉人慕德不能忘釀錢立孝子祠

本徵

獻錄參沈鯉亦玉堂稿何喬遠名山藏鄭二陽益樓集經志施志

梁範

新纂梁範號洪泉生四齡失怙性孝友奉事孀母六十餘年不冠不敢見有姊家貧無以養範仰體母志給糈授衣終其身如一日生平伉直自負不解作誑語聞不義事輒怒形於色好急人之急片言相許殫力爲之雖已事廢缺弗恤也叔有擅素封者而歿遺孤大者毀齒小者在抱諸所宿憾眈眈相向視爲几上肉範抗身出而卵翼之內釁用彌外侮不至迄今

文獻志

卷二十六

十五

堂構無恙家計裕如範之力也範十八歲補邑博士弟子員負笈入監兩遊陪京六十八歲謁選得束鹿丞不以官卑自委束鹿深澤一時並缺邑宰臺司特檄兼攝之政聲茂著辛酉以病乞歸抵家次日卒年七十二子夢前夢泰夢禎

本鄭二陽撰墓誌蒙按墓誌梁範官束鹿丞告歸

經志云由束鹿丞轉遵化衛經歷投牒乞休與墓誌不同墓誌出其壻鄭二陽之筆疑爲得之

梁可養

新纂梁可養字克中陝西憲副策長子由邑庠入太學克承父訓以孝友稱兩弟天亡可養撫其嫠婦及孤姪女飲食衣服纖悉周至所居東偏有廢圃躬自

誅茆藝石出心計能與花爲四時日奉父歡遊其中承顏怡志罔不當意父樂施予可養部署劃分予衣予食予錢穀藥餌予裨櫜略倣鄉里委積以周民之羸阨暇則與詩人杜琛輩結社爲詩詩宗王維字規涪化父時一瀏覽爲之頤解父卒可養哀毀骨立頤乎其至臺司旌孝棹楔屢賁可養益斂骨折步兢兢奉先訓維謹時天札相尋罷夫羸老易子析骸官振廩不給可養出倉粟助之復煮糜舁之諸寺觀簷牙閒計口授食日以爲常計所全活數百人他若振人之急濟人之困孳孳靡懈若姻親若族子婚具采學

具贄未可更僕數而浙之高耀楚之張世美姑蘇之袁學禮或以文字交或以僦貸識可養成爲之居處資之生計遂相依爲樂土焉妻劉氏亦好義恩膏所沾無閒遐邇癸酉春有瞽者王天義率其子茂才家禎自襄陽來蒲伏哭祭於可養墓下衆皆異之旣卒哭自言曰往以戊子歲大禋天義同諸丐兒乞食市中雨雪凍餒君過而哀之收卹簷廈間三匝寒暑恩勤如一予遊藝襄樊幸有今日厚德未報而君與夫人已作古人矣天義尉氏人先祭可養而後及其私則其德之感人爲何如哉萬曆戊午卒年六十六下

韓時讀子輿氏樂有賢父兄之語因自號爲樂軒云
子六人幼子之鯤最知名

本鄭二陽撰
墓志參經志

陳三謨

陳氏族譜陳三謨字於王庠生性孝友父欽寰病癱
三謨奉侍湯藥六年不懈遇二弟恩義兼盡從叔清
寰貲頗豐無嗣養異姓子甚愛之清寰卒養子願以
產還三謨三謨曰吾不忍傷叔父心也惟擇本支奉
其祀而貲產一無所取鄉人義之生平不信浮屠不
履城市閉戶講授以身率先嘗錄經史及宋儒語錄
爲存省錄一卷年九十四卒

文獻志

卷二十六

十七

常應泰

施志常應泰號益軒性謙退好學爲諸生砥躬飭行
未嘗一涉於俗且孝友性成當析產之日腴田完宅
悉讓於兄而自處淡泊居鄉恂恂不以聲華自炫恬
靜和雅爲鄉里所稱子自裕萬厯己未進士累官戶
部右侍郎仲孫錫允順治戊子舉人累官山西道監
察御史季孫翼聖順治辛丑進士累官大理寺卿曾
孫宏禧亦辛丑進士建洋知縣一門科第蟬聯人皆
謂應泰積德累仁所致云

韓自重

新纂韓自重字威卿號荆璞阮寨人七歲從麻城劉生受春秋儕輩避席遜不及年十六奉父命肄業成均以父病請歸侍湯藥父歿喪葬獨力營辦不以累其兄人方稱其孝友兄顧惑於讒謂父私昵幼子舉十餘年已析之產更張低昂詬詈日數至宗親咸爲切齒自重泣曰羣小側目吾孤而綺齷之吾兄何忍爲此也分產固在兄所欲有者有之吾甯敢以己析辭田宅錢穀惟兄之指何吝焉事伯兄彌恭饌必親奉轡必親執久之兄乃悟曰有弟若是彼讒者小人也吾滋愧矣未幾其兄死自重哭之極哀且爲力佐

其喪自是砥礪躬修篤志問學母卒哀毀骨立時諸子已成立次第就外傳於是建書院求異書敦延孝秀督課諸子越數年諸子遂以春秋名家長子景愈舉萬曆戊午鄉試五子法愈天啟丁卯戊辰聯捷成進士仲子紹愈崇禎癸酉再舉於鄉一時科第蟬聯昆季玉立韓氏人文聲震中原而自重無幾微驕矜見於辭色爲善日益力振乏卹孤施粟捐榷義所可爲不憚傾橐且平易和霽從不以辭色加人卽販夫菜傭見必肅拱其謙卑自牧如此天啟末授上林苑監監丞崇禎初子法愈任堂邑知縣又受封如其官

乃勅絕家務於舍西闢園林疏泉種竹棲息其中自號邱壑逸民累舉鄉飲正賓不赴自重生平孝友力學至老不倦尤喜陳白沙呂新吾兩先生書當萬厯壬子關中張公舜典令吾鄆聚徒講學自重每引證發明舜典輒爲首肯故立身教家一以忠孝爲本其所得於學問之力居多焉崇禎丙子冬以疾卒年六十三里爲罷春

本鄭二陽益樓集韓則愈秋巖集參經志

國朝

王鳴球

新纂王鳴球字伊璜生而靈敏過目成誦爲諸生有

文獻志

卷二十六

十九

名中順治庚子解元康熙甲辰進士丁未與子曰温同對策日温選庶常鳴球授中翰人傳爲盛事鳴球賦性孝友明季闖亂舉家避難汴城俱陷洪波年甫十三浮木而出號泣尋嫡母孫氏屍得之槁葬識其處飄流河北三年 國朝定鼎後赴汴迎母遺骸歸葬故里兄鳴玉厄於汴水亦招魂葬焉

蒙按李元振撰傳兄

鳴玉死汴水之難施志云奉養兄鳴玉各如其意誤矣

好施與族黨多所周給

遇歲凶疫煮粥施藥行之無倦以目青未補官放懷

林壑惟詩酒自娛

本李元振撰傳參施志吳志

常嘉宗

新纂常嘉宗字穆之戶部侍郎自裕三子也天才拔
出書數過輒成誦當父官陪京時嘉宗年最少有大
事閒與之謀嘉宗暗練典故所籌畫無不中機宜者
人以比李柬之范純佑焉性至孝李自成亂中原匍
匐從兩兄奉父母竄伏懷州流離顛沛晨昏定省不
少懈廢先後喪哀毀盡禮每遇忌辰則歔歔竟日事
兩兄甚謹終身未嘗忤其意撫同母弟尤篤愛弟壯
而多疾嘉宗手自和藥與之共寢食者浹歲弟既愈
感嘉宗切骨嘗語人曰兄視我不啻所生也生平隆
恩誼好施與九族三黨之親待以舉火者不一里中

文獻志

卷二十六

二十

推爲長者方弱冠卽以文高食餼顧闈中考官終無
知之者順治庚子幾得之以格於例置副榜康熙丁
巳又以太學生應京兆試被放如故人咸爲搯腕嘉
宗殊不屑意栽花種竹日相從故人嘯咏園林中怡
然自樂絕口不復言場屋事嘉宗生富貴父兄皆大
官甲第膏腴鄉黨羨慕而蕭然遠寄如世外人家人
生產略不訾省至稱貸以輸官租故人或勸其立業
嘉宗笑曰我薄福道固應爾也將易簣屬其子曰吾
無以教汝惟自省終身無一違心語欺人事學此足

矣

本全軌
撰墓志

張復昌

新纂張復昌歲貢生本尉氏人父卒遺腹生依母養於外家時流寇蹂躪中州昌甫九歲母自分從姑死命昌隨舅氏避地江南至鄆陵南夢母遇害天未明號泣返幸其幻也及亂定慟母瘡瘁下幃攻苦年十四入鄆陵邑庠奉母返故居先是座父於室中至是始啟之葬以禮事母至孝母歿竟以哀痛卒

本尉氏志

梁焄

施志梁焄字曰馥廩生彌月卽繼嗣伯父父母歿葬祭盡禮三年獨居一室哀毀骨立人稱其孝奮志讀

文獻志

卷二十六

二十一

書德行文學爲儒林所重撫軍佟公季考閱其文以中州第一人目之子城孫銘旂皆庠生以繼志稱

韓永存

施志韓永存程愈子庠生出繼伯父則愈定省盡禮父遠宦永嘉歲時思念飲食必祝親歿葬祭一遵古禮事本生父母亦然處兄弟克盡友愛輕財好義人爭譽之

梁墀

施志梁墀庠生年十三父卒躄踊痛哭哀毀過禮家貧篤學事孀母備極甘旨自食惟藜藿充饑而已惜

以弱冠卒妻劉以節 旌

常鉉祐

施志常鉉祐拔貢生璽允子璽允素尚義行迎養寡嫂及孀姊皆有恩復教姊子登鄉薦鄉黨稱之鉉祐幼繼嗣伯父顯印奉養周至父母死遺二妹于歸後俱極貧鉉祐體親心迎其夫婦至家同居數十年生甥及女咸爲之婚嫁焉

賈良璽

道光志賈良璽字玉符幼出嗣伯父後年甫毀齒卽知先意承志距本生父母家咫尺不命之往不往卽

文獻志

卷二十六

二十一

本生父母至亦未嘗私一語也母病衣不解帶湯藥必嘗而進及卒哀毀過禮葬時陰霾晝晦號泣曰此吾不孝之所致也因廬墓求晴天竟霽人以爲孝感葬畢負土成墳一日三往不避風雪父卒亦如之事本生父母稱貸以養嘗購美櫬爲櫬以備有以價三倍售之者不與也邑令董榜其門曰孝比二連縣人梁熹爲作純孝傳

梁埴

施志梁埴字膺臣歲貢生御史熙子熙解組歸里三十餘年埴朝夕在側承顏順志不少違父歿哀痛盡

鄭恆修

吳志鄭恆修字聖基胞弟恆吉析居二十餘載因歲凶外出恆修命長孫景山迎吉歸飲食與共以老恆修壽八十有九恆吉壽八十有七

王世型

道光志王世型字國範自高祖以下數世同居食指繁多庭無閒言

王希曾

道光志王希曾字景參國子監生殿卿子也至孝根於性父年七十鰥希曾恆侍寢極溫清之禮十餘年

文獻志

卷二十六

二十二

無倦居鄉排難解紛有古人風義性好學老而不衰所著有大學字解圖注中庸圖說補

唐琮

道光志唐琮字握玉候選布政司經歷父有虞早卒母李貞而賢訓之曰汝父平生樂善不倦汝克繼之吾無憂矣琮承母訓守父志不替事母色養孺慕十年如一日母卒毀瘠幾滅性及葬負土成冢廬墓三年孫效元孫縉素俱入邑庠子孫蕃育蓋純孝之報云

蘇定國

新纂蘇定國原名立行字振宇武生習賈於市而能
孝順父母朝夕奉事未嘗一言忤意一寢一食皆親
自經理必適其親之口體而後已父母安其養故皆
以耄年終定國卒年亦七十餘

蘇林生
採訪

周應祥

新纂周應祥字兆吉張福人監生賦性淳謹事繼母
無異事生母繼母病盡心醫治藥必嘗而後進事父
左右就養晝夜不離側父卒哀毀幾不欲生每食必
祭人稱其孝咸豐九年卒年八十

司潤楠
採訪

王曰敏

文獻志

卷二十六

二十四

新纂王曰敏字勉齋拐子村人少讀書屢試不售受
業洧川王務本之門務本病曰敏晝夜奉事三月不
離側病閒乃已務本甚嘆美之孝事父母昏定晨省
無閒時日父母老夏扇枕冬溫被母病癱躬自扶持
浣滌中 厠踰不避垢穢如是者十餘年父母卒哀
毀異常喪葬以衣衾棺斂爲重不務華飾四時薦新
極其誠敬與兄弟析居能讓產姊適蒲門夫卒迎歸
日用飲食竭力供給甥女二擇配嫁之奩資與已女
等人皆服之咸豐八年卒年七十九

司潤楠
採訪

張琦

館退亦然入庠後親已老矣備極甘旨及歿善繼父志雍正乙卯前令因普廣二堂乏糧勸捐愜聞之慨然曰此義舉也捐地十二畝給扁以獎

陳孔昭

施志陳孔昭字德一事親先意承志父病奉湯藥晝夜不懈病亟取父糞嘗之垂淚曰味如炒麪恐不能起矣父歿奉繼母終身無缺禮子東銘貢生

程本

施志程本字文輔三歲而孤母魏矢志撫育稍長卽知孝母病勤奉湯藥母死哀毀號泣蔬食終身以勤

文獻志

卷二十六

二十五

儉起家樂施濟族之孤寡者多依之年七十三卒

梁錫類

施志梁錫類字永子父墀早歿母劉守節撫之錫類幼知好學事母篤孝補諸生倡捐修文廟樂器弟錫命早歿遺二女撫如已出養弟婦三十年如一日鄆大水民屋多壞且苦饑錫類偕友人爲木筏載食食之子發濂乙卯拔貢任教諭

王沛

施志王沛字爾公庠生崢令鶴年曾孫幼失恃事繼母孝兄乏嗣潛爲買妾勸之納生三男壽八十六乾

隆元年

恩賜八品頂戴

陳占鰲

施志陳占鰲字龍章諸生父病勤侍湯藥及歿哀毀過禮事曾祖母祖母及母每食備甘旨必親侍於側食畢而後去遇大故鰲已皤然猶作孺子啼生平卹族賑乏以爲樂開封知府劉湘旌之年七十三卒

劉好智

劉友蓮續志劉好智字明寰天性孝友父早故兄弟三人智居長母命析爨凡生業田產智取其薄以膏腴之田讓其弟值歲歉家難自給必多方致甘旨以

文獻志

卷二十六

二十六

奉其母母死智廬墓側日負土以修其墓邑人扈光遇贈詩表之

王文太

施志王文太科子家赤貧擔柴貿易養其父父病篤割左股肉和藥以進病遂愈人以爲孝感

軒轅大成

新纂軒轅大成字公集孝友樂施父母歿廬墓三年不飲酒不苟暈不預外事邑東滾岡水大行旅病涉大成捐金建橋以便行人曾拾遺金候其人至詢明與之長垣李斌母子三人避荒至鄆斌母病難行大

成視斌故書生也留養之復延醫治其母母愈助資送之回籍人咸推其義

本中州彰善錄參施志

馬珍

中州彰善錄馬珍世業農性恭謹治家有法同居五世子姓兄弟八十餘人悉遵其教敦孝友內外無間言或曰翁何以能此珍曰其要在不自私耳

王宗正

中州彰善錄王宗正推小車爲業與兄宗孝極友愛乾隆四年兄死於唐縣宗正走數百里負兄骸骨而歸賣其小車買棺營葬

文獻志

卷二十六

二十七

謝裕如

新纂謝裕如字綽然諸生五世同居力行孝友男婦八十餘口均其苦樂一門之內和氣藹然四方競傳

以爲勸

本施志參中州彰善錄

李盡孝

施志李盡孝農家子貧無立錐幼隨父母走大名府父死哭葬於郊織席編蒲以養其母奉母之江南母又死亦寄葬之瑩瑩一身歸鄆陵日勤操作不事婚娶二十餘年積錢十餘貫躬負父母骸骨歸合葬故土泣語人曰吾事畢矣後二年卒鄉人以其終身盡

孝遂以盡孝名之

李養正

施志李養正字聖功貢生苦志讀書貧不自給嘗食草實而讀不倦以明經授內黃教諭事親最孝父病不能舉箸以手代爲進食凡有所餘皆自食涕洟之污不知也以病卒於官

陳儉

施志陳儉字惟一國學生父臥病醫藥不愈儉晝夜不離側一日嘗糞覺味淡無氣輒垂淚不止父歿悲哀過甚淚沾衣袖家人視之皆血也

文獻志

卷二十六

二十八

金其成

施志金其成國學生嗣叔應璽爲子事父母能承歡母病嘗糞進藥而母病卽愈閭里咸謂孝感兄其章析居已久有不給任其來取無難色歿後子孫猶遵爲家法

彭謨

新纂彭謨字舜若事父以孝聞乾隆元年父克長病危呼謨囑曰昔曹光參曾以銀託我收存我以貧故耗其銀今光參死矣其子弗知也然彼知我知理實難昧汝能爲我償此吾無憾矣謨如命以償事繼母

能得其歡母稍不悅卽長跪受教意解方起素苦貧以勤儉起家好施予嘗修許家坡石橋兩座本村施義漿二十餘年施棺施藥奉母命爲之子應召癸酉拔貢

本中州彰善錄參施志

趙辛升

施志趙辛升字西成諸生事親敬愛兼篤父病曾爲嘗糞父卒哭泣治喪無缺禮

邵世則

施志邵世則世訓自高祖下及子孫同居七世門庭雍睦雖異姓聚處亦皆和氣相迎

文獻志

卷二十六

二十九

葛其模

施志葛其模字子正諸生事父極孝友愛其弟及同堂諸弟親睦無閒手訂葛氏族譜睦族之誼本於天性鄉人稱之

李耀先

新纂李耀先庠生至性成孝好善不怠彪岡河橋壞獨力重修其他賑恤孤寡之事尤多雍正元年父母

歿廬墓三年

本中州彰善錄參施志

徐德才

施志徐德才家貧竭力事親母病嘗糞知病亟獨跪

霜雪中禱天願以身代母病痊人以爲孝感邑令旌之

蘇士秀

新纂蘇士秀字俊升幼嗜學及長入庠食餼爲邑知名士邑人張素志嘗曰爨丕振蘇俊升王勉齋合此數公之長可以極文章之能事而儒者讀書處事之法亦大有可成矣其推重如此性孝友母早亡日夜飲泣父前勉爲笑容每讀書至父母在父母俱存章卽泣父昂增廣生鰥居三十年秀順承父志無不如意家極貧待兄有禮撫幼姪如已出邑人舉其善行

文獻志

卷二十六

三十

有司旌之

本志參
張豫洲集

張繩武

施志張繩武與弟樂天皆武生性孝母患癱兄弟衣不解帶夜呼卽起如是者六年

高陟

施志高陟字伯遷生平好義矜恤孤寡助人婚葬伯叔皆老無子迎養終身喪葬盡禮乾隆六年撫軍雅給匾旌之壽八十五歲

謝法

吳志謝法五世同居敦行孝友家庭雍睦無間乾隆

五年知府朱繡嘉其義旌之

孟兆祥

新纂孟兆祥性至孝父宗孔病割股療之人以爲難

本施志

李吉平

吳志李吉平方在母孕時其父卽遠遊異鄉及長欲尋其父其祖以家無貲且久無耗阻之又數年有客自關東來言與其父相識在三星城計程七千五百餘里吉平遂隻身往北地苦寒過阿石口以東冰行者八百餘里艱苦備嘗越二年與其父俱歸

文獻志

卷二十六

三十一

王興源

施志王興源字浩然邑諸生年八十一父歿營葬躬自負土拜哭者三年事無大小必跪稟於墓而後行奉母孝母病爲嘗糞弟病痰壅不能臥興源晝夜擁背人呼爲孝友先生

陳金銘

吳志陳金銘邑庠生九歲父故事孀母康氏三十八年寢食必侍母有病躬自嘗藥病愈衣方解帶母故因卜地未就臥不離柩葬後日省其墓終身不怠

宋宗思

吳志宋宗思邑庠生其先閩人也自其六世祖都司輝居鄆一傳至高祖祖齡再傳曾祖景先曾叔祖煜先遞及其再從姪孫凡八世田不滿百畝男女五十三口同居共爨藹如也非一門孝友何以能之

王芾梧

吳志王芾梧貧家子也織編養母母亡哀思廢食業常呼母夢中覺便哭踊次歲寒食市香楮焚號墓側曰無母可事虛生何爲遂自縊

爨嘉徵

吳志爨嘉徵字筠亭太學生與堂兄析居能讓產祖

文獻志

卷二十六

三十一

母卒殯殮諸事不以累其堂兄鬻產三百畝獨任其事終身無怨

趙雲龍

吳志趙雲龍字鱗庵歲貢生品端學優試輒冠軍且篤於同氣異母弟雲鳳賦性樸拙有以析爨動之者答曰吾弟需吾而養苟如此彼胡以給私妻子而薄手足吾不爲也其人慚而去族黨至今稱之

鄭範約

吳志鄭範約字省齋家貧力學母歿獨襄大事不累兩兄 恩賜九品職壽八十有四

禮邑令宋恭貽課士常曰當以梁埵爲法贈埵詩有
藉君常樹人倫表之句蓋深重之云年八十一卒

王襄

施志王襄字贊伯事繼母以孝聞友愛諸季無閒康
熙丙午舉於鄉授汝陽教諭立五社以課士文風大
振癸酉分校楚闈所拔皆名下士

劉國祿

施志劉國祿字君俸明司寇劾五世孫年十二父得
癱疾勤奉湯藥寒暑不少離越二年娶妻鄭鄭亦年
幼與祿同志祿父輾轉牀第者十四載而事益力及
歿躄踊號泣家雖貧竭力營葬罔不盡禮事母孝歷
久不渝撫孤姪如子教之有成食邑餼

劉偉

施志劉偉字子長大司寇劾五世孫八歲能誦五經
年十五以第一名入庠母楊氏抱病偉數月不解衣
帶躬親湯藥晝夜無閒復告天願減己年以增母壽
母病尋愈戊午舉於鄉邑令許承澎續修邑志延偉
總其事書成未梓偉甘貧樂道開館授徒一時鄉薦
明經多出其門孫燕貽任教諭

鄭坦之

文獻志

卷二十六

三十三

施志鄭坦之字耑愚大中丞二陽孫康熙丁丑拔貢
事父以孝聞父病侍湯藥衣不解帶者兼旬及歿哀
毀逾常三年未嘗見笑容凡棺殮營葬一準中丞所
著禮要復以祭田所餘周族人之不給者子原鑑原
銓皆食餼

王延祐

施志王延祐字次亭奉常曰温子居父母喪寢苦塊
三日始食三年不飲酒食肉以諸生貢太學幼時隨
任京師因地震恐懼修省遂志於學著述以程朱爲
宗衣冠古樸有先民風味督學張廷璐爲立傳

文獻志

卷二十六

三十四

王兆祥

新纂王兆祥字錫極城內增福巷人至性淳篤事父
母無違言及病衣不解帶藥餌必嘗父母歿卜葬七
里橋右廬於墓側朝夕哀慕橋兩旁多坑塹兆祥負
土補葺又捐貲修廟施茶如是者數年人鮮有知之
者康熙壬寅邑侯涇陽陳公涖任甫數日卽躬詣廬
所訪之於是人始異其所爲迨雍正癸卯秋廬墓竣
邑人合詞請旌陳公扁其門曰孝子義民

本蘇瑛
撰墓碑

常禧

施志常禧字允怡諸生幼事親出必告反必面卽書

新纂張琦字崑毓莊頭村人歲貢生賦性耿直孝友
五歲卽知孝父稍長讀書常焚香祝天以祈父壽父
終水漿不入口者累日母卒哀痛倍切三年不御酒
肉不出廬戶終身以教授爲業成就甚衆所得束修
與弟共之不以自私年六十五卒

姬驥
採訪

劉德炳

新纂劉德炳劉樓人家赤貧弟德鴻爲遂平人養子
德炳思念不置爲人傭作積錢百餘千旣置有田廬
卽出貲備禮赴遂平懇求攜其弟歸時有爲德炳議
婚者德炳不從而先爲弟娶婦又十年業稍增始自

文獻志

卷二十六

三十五

娶弟求析著復讓產其友愛如此年六十餘卒

賈曉
峯採

訪

